

Khrih te Huhtawngna, Awmngaihna oen Tueng sakna
(1)
Awlpui cabithli

Khrih tah mami te tlawh hoeih sak ham, dangkoop ham,
hinghang sak ham oen thlawwna ham siibawila bibi ham valaw tih,
te rangoen mami he a thaithir, vaanben kah ramthlangthli la awmham
tawmben koepla awm vetih, ahimi rangoen he aka pawci diklai dawngah
vaanben ram te a paisak thai poen ai.

Mami tah Pathen ram dawngkah pungnawina aka taa ham
tharaana oen Bawipa Jesu kah mui thawlengna la ng'awm u tite
mingciim ham, huhtawng tih sausi daeng ham angoe.

Pathen kah awl Khrih he Pathen kah sakna hamla vaan(Pathen) te
diklai(Thlaang) tengla a khuen tih, diklai(Thlaang) te vaan (Pathen) oen
pakhatla aka tuhtawm sak thlaak la a cooengna rangoen
Pathen hamla awl a thui.

Pathen ben thumkhat cooengna tah awlkhueh thai pumboeih kah
a khangna la a awm angla Pathen ben thumkhat cooengna he
celtuih cabu kah a sakna la awm. Celtuih cabu kah a boel
khat coeng khat dawngah Pathen kah awlkhueh thai kamthlahna
akhuenna hamla Pathen ben thumkhat kah tlaihvwang bisaina te a thui.

Message one

**Khrih tah angna bouthlang, saithaina aka khueh kung, Sibawi, zulou kung,
Himbaai peen a thai oen misur tuithai la a awmna**

Teeham caciim. Matt.4:16.8:5-13.9:9-17

I. Khrih tah ziinna khuiah aka ngawlthli sawah aka ang, duekna khuup hui ah aka ngawlthli tengah aka phou angna bouthlang la awm – Matt.4:16. Jhn.1:4-5. 12:36. Efe.5:8. Kol.1:12-13. 2Kor.4:6-7. Cel.26:18.

- A. “Metitiah mami Pathen kah a reenna rangoen, vaan dawng kalawng mami tengah, khawziinna oen duekna khuup huui ah aka ngawlthli dawngah khawmik te thong vetih roepna lawngpui la te m'mawt u' – Luk.1:78-79. 6:36. Lung.3:22-23.
- B. “Tede ka ming aka hinzah nangmi, doengna khawmik tah hoeihna oen a phethli oen pai u ai. Na cet u vetih, vaitawcathli angla na pet na cou u ai' – Mal.4:2. Saam.84:11. 86:11.
- C. Saam.22 tah “Mincang kah sazuk angla” awm-Awllu.
- D. “Jehova aka lungna thlangthli tah/ tha raa thlangla aka thoenghang khawmik angla awm hawnseh” – Awl.5:31b. Isai.60:1, 5a.
- E. “Thlangdoengthli kah lawngpui tah mincang khawthaih vengkah khawdii angla doengtih/ khaw athaih toela tare tare ang hang” – Tah.4:18. Fil.2:15-16a.
- F. “Te coengah thlangdoengthli tah amam ikah na pa ram ah khawmik angla ang u poen ai” – Matt.13:43a.

II. Ralbawi lawngah Bawipa he saithaina aka khueh kungni tite a huh, metitiah Bawipa he saithaina huui ah aka awm thlaang pakhat la a awm dawngah ni-8:5-13.

- A. Ralbawi lawngah”Kai he saithaina huui ah aka awm thlaang pakhatla ka awm de” tila a thui vengah Bawipa he saithaina huui ah aka awm thlaang pakhat ni tite a zakmingna la awm. Ralbawi he saithaina huui ah aka awm thlaang pakhatla a awm angla amah kah huui ah aka awm thlangthli te awl a peek thaina a khueh- athaan.9a.
 - 1. Diklai saw Bawipa kah thlanghing coengna dawngah Pathen-thlaang pakhat la Bawipa Jesu he Pa kah Pathen ben hingna ukna huui ah a pumboeihla aka awm thlaang la awm-Jhn.5:19.4:34.17:4.14:10,24.5:30.7:18.
 - 2. Amah he thlaang pakhatla pumsa thlaang coengna te a hoet tih, vaanben Pa kah Pathen hingna kah tungepna huui ah aka hing thlaang pakhat la awm.
 - 3. Pa kah Pathen hingna kah ukna huui ah atakla a awmna rangoen Bawipa lawng hingna dawngah a uktem-Fil.2:8-11.
 - 4. Amah he Pa kah ukna huui ah aka awm thlaang pakhatla a awm dawngah amah dawng Pa kah saithaina a khueh.
 - 5. Mami dawngah rihawm koei crystal angla aka cil vaan dawng(aka theen, aciim thetheen mingna) awm tih, Bawipa oen mami laklaw ah tukhaw a awmnawh vengah, mami dawngah lungvatna oen ukna rangoen hingna dawngah uktem hamla Bawipa kah ukna mikhaai ah vaanben paihuen, huenmawl, a awmna oen sangthil la ng'awm u-Eze.1:22,26.awl.22:1.Rom.5:17,21.Heb.4:16.ref.kol.1:13..
- B. Ralbawi lawng Bawipa Jesu kah saithainate a mingpui-Matt.8:9.
 - 1. Bawipa kah saithaina he a awl dawngah awlpui a thuekdang tih a sai- athaan.8.
 - 2. Mami hamla tah Bawipa kah saithaina he amah lawng mami khuiah avan sang oengna kalawng patoeng thuekdang bisaina la awm- athaan.10,13.Heb.12:2
- C. Bawipa Jesu diklai dawng a awm vengah saithaina aka khueh thlaang pakhat angla thlaang a cang pui-Matt.7:28-29.Mark.1:22.

1. Amah oen amah aka caksak cathut kungthli lawngah amami poek ah a hawngthii cuihna te a cang pui u de catah, tu saithaina, tu tharaana khaw awm nawh-ref.2Kor.3:6,8.
2. Pathen kah saithaina a peek cangpuikung la Bawipa Jesu lawng Pathen rangoen a soengnathli te a cangpui tih, thlangthli te liumuelh ham muithla ben tharaana a khueh bueng muehla, ahimi te Pathen ukna khuiah a peek sakna hamla Pathen ben saithaina aka khueh thlaang lakhaw awm-Isai.30:20-21.Matt.23:8,10.

III. Thlangthli lawng ram hamla Bawipa hubaang hamla khuena dawngah vaandawng ram kah sengpahrang la Bawipa Jesu he sibawila bi abi-9:9-13.

- A. Awlcek kung kah awlcekna tah doengna angla awm tih, sibawi kah tuihaaina tah reenna oen lungvatna angla awm.
- B. Bawipa he reenham koei mami tengah awlcekkung bawila valaw mai kawinih mami he dan m'peek tih ng'hoet u coengah, u khat khaw vaandawng ram kah thlangthli la n'soep nawh tih tuekna oen khuena khaw n'dang u manawh-8:2-16,28-32.9:2-11.Saam.103:1-4.107:17-22.
- C. Tede Bawipa he sibawila tuihaai peham, sa koep ding sak ham, hinghang sakham oen thlawn na bibi hamla valaw tih, Bawipa kah a thai, vaanben ram thlangthli la awm hamla koep n'tawmbenna rangoen amah lawng he aka pawcii diklai dawngah vaanben ram te a pai sak thai poen ai.
- D. "U khaw thlangdoeng awm nawh, khatca khaw awm nawh"(Rom.3:10) "Thlangdoeng boeih" hetah amah oen amah aka doengthli la awm tih, Farasithli angla awm(Luk.18:9). Sengpahrang thlawnkung tah heangthli khue ham valaw nawh tih, thlangthawlhthli khue hamla ni a law.
- E. Mami kah sibawi Bawipa lawng mami kah muithla oen lungbui he awlpui la a tuihaai tih, mami kah muithla ben tlawhnathli te avan hoeih sak. Mangmu cawithli oen thlangthawlhthli he pumsaben ah tlou u de catah muithla ben a tlawhna lani a awm-Matt.9:10,13.Tah.4:20-23.
- F. Mami lawng thinglam dawng aka duek Khrih te n'huhtawng tih, a duekpui hingna te ng'hingpui vengah aka thoukoep Khrih he tlawh hoeih sak tharaana la va awm tih, Bawipa he mami kah tlawh hoeih sakkung la va awm-Exo.15:22-27.

IV. Khrih tah mami kah zuloukung la awm-Matt.9:14-15.

- A. Sibawi oen zuloukung pahih bawk he lungna koei thlangthli la awm. Sengpahrang thlawnkung he lamha cuek ah hubaangthli tlawhna a hoeih sak tih, te coeng tah zuloukung kah a pui apawthli la a awm sak. Hukhueng atah vasa hula la a coeng sak u ai.
- B. Mami kah hingna dangkoepna hamla amah te sibawi la phoeihkhak bueng muehla, amah mikhaai dawngah hingna te ng'awmnhaihna hamla mami kah zuloukung la khaw phoeih khak ham angoe-Fil.3:12-13
- C. Muithla he Pa lawngah mami te Khrih kah betoetnathli oen n'thoeicam pe tih Khrih kah vasa hula la coeng sakham awlpui la avan tuih nala awm-Gen.24.Efe.5:25-27.

V. Khrih tah himbaaipeen a thai oen mami kah khaw-awk dung thai la awm-Matt.9:16. Luk.5:36.

- A. Himbaaipeen athai tihe"pung a ah thlan, a thawng thlan, a suk thlan, aka boet thlan, a hui thlan, a tlaihvaung thlan" tina la awm.
- B. Himbaaipeen thai he Bawipa kah thlanghing coengna kalawng a duekna toe kah Khrih te himbaaipeen a thai, a tlaihvaung thlan, a coeng thlan himbaaipeen la a huhsak tih,Luk.5:36 kah himbaai thai tah Khrih he thinglam dawng a duekna dawngah " a tlaihvaung" coengah athai himbaai coengna te huhsakna la awm.

- C. Khrih he lamha la himbaai thai saina hamla himbaaipeen thaila awm tih, a duekna oen thawhkoepna kalawng patoeng Pathen haai ah mami kah doengna la khukdahna hamla himbaai thai la va cooeng, te rangoen mami he Pathen kah doengna la m'pha sak tih, dou koeila ng'awm sak thai ai-15:22.Gal.3:27.1Kor.130.Saam.45:13-14.Awl.19:8.Jer.2:32.
- D. Himbaaithai te himbaai ruem oen bawna kawinih, a zueng u vengah pheuh u vetih a put te tare a thee sak ai. Himbaairuem sawah himbaaithai oen a bawna hetah thlaang lawng thinglam dawng aka duek tlangkung Jesu oengna muehla, nawh atah himi te Pathen rangoen doengna la pha sak tih doukoei la a awm sakna ham doengna la aka awm aka thoukoep Khrih oengna ouhla, diklai dawngkah thlanghingla a hingna dawngkah Khrih lawng asai thaihu oet hamla zawmna te a thuingaihna la awm.
- E. Khrih kah thlanghingla a hingna te a oetna lawngah himi kah' himbaairuem' la ka awm ruemraw pumsa hingna kalawng a thoengsak moeiboe oen 'a pheuh sak'nala awm.
- F. Ram thlangthli lawngatah tetila saiham awm nawh. Ahimi lawngah duek tih aka thoukoep Khrih te himbaaithai la a khuen tih, Pathen haai ah himi kah doengna la a khukdah sak hamla awm.

VI. Khrih he misurtui a thai thloenna saphaw uum khuila a thloen hamkoei mami kah misur tuithai la awm-Matt.9:17.

- A. Krik awllung *athai* ati he' athai la ka awm, tahe nawn kah, athaila a khuehtoen' tina la awm.
 - 1. Misur tuithai tah tha awmna ham, tha taawmna ham, mami awmngaih sak ham kawhoe sakham tharana oen a thai, aka awmngaih sak hingna la Khrih te huhsakna la awm-Awlcek.9:12-13.
 - 2. Bawka buthli boeih tah saphaw uum a ruemthli la awm u. Misur tuithai te saphaw uum a ruem khuila a thloenna lawng tekah a uihpengna lawng saphawuum te a paawk sak thai. Misur tuithai te saphawuum ruem khui ah thloenna tah kawthlawp sakkoei hingna la Khrih te meang bawka phung khuiah khaw a sangna la awm-Matt.9:14-15.
 - 3. Bawka phung tah Pathen bawka ham, Pathen tuihzoeih bibi ham, Pathen ngaikhuek sak nathli sai peham, tede Muithla la ka awm Khrih oen pekbounda, Khrih a thuumna nawh te a thuingaihna la awm-ref.Gal.1:14-16a.
- B. *A thai caihpan na* hamla Krik awllung tah'a cooengna, a mengna, pungcantli dawngah a thaila ka awm, Khuek nem thlan, hawna thai thlan' ti ngaihna la awm.
 - 1. Saphawuum a thaithli tah kawthlawp sak koei hingna la Khrih la aka awm misur tuithai te a sangna la khawhuen thlangboelthli kah thlangboel hingna te huhsakna la awm.
 - 2. Thlaangkhat be Khrih he misur tuithai, khuiben kawthlawp sak koei hingna la awm tih, aka cuut u Khrih tah athaithir saphaw uum, misur tuithai athloenna hamkoei dauben sangna koei la awm. Aka cuut u Khrih la ka awm thlangboel tah misur tui la ka awm thlaangkhat ben Khrih a thloenna hamkoei saphaw uum athai la awm.
 - a. Khrih kah aboukauna la ka awm thlangboel he Khrih oen be u tih, Khrih oen tawmbenla awm.
 - b. Pumbeekthli he thikat la a tawmbenna tah takpum pakhat buengla awm tih, he takpum tah Khrih la awm. Khrih tah takpum kah lu la awm tih, lu kah a takpum la awm-1Kor.12;12.Cel.9:5.

- c. Khrih he pekbou u nawh. Nang dawngkah Khrih he kai dawngkah Khrih oen haih pumkhatla awm tih, mami dawngkah Khrih he atloe Khrihthlaang boeih dawngkah Khrih oen haih pumkhat la awm-1Kor.1:10,13a.
 - d. Te dawngah Khrih he amah oen aka be u zahawhthlang a beekthli oen aka tawmben u takpum la awm. Hetah saphaw uum athai la awm tih, misur tuithai Khrih a thloenna hamkoei thlangboel hingna la awm.
3. Thlangboel thlangthli tiim ah himbaai thai, misur tuithai, saphaw uum a thaithli boeih he dangkoep la awm poen. Khrih te mami kah thlangboel hingna la aka cuut alawngim oen sapjhaw uum la thlangboel te n'dang u tih, tetah Pathen kah a boetkoek kawltung la awm.